

divulgante fama ex lapsu vestro quem nunquam A pervenire debuimus, contristati et humiliati usque in terra sumus ^a. Dulcis noster Justiniane, quis te sic decepit ? quis, ut talia prosequeris, suasit ? quis, ut Christum purum hominem fatereris, docuit ? quis, ut in Judæa consorium te transcriberes, circumvenit ? quis, ut illum qui dixit : *Ego a Patre exivi, et veni in hunc mundum (Joan. xvi, 28)*, per circumcissionem, per baptismum, per passionem, ut cresceret, te docuit ? quis, ut qui cor miserum non habebas ante, repente oppressit ? quis, ut patres quos venerari debuisti, ad cædes, ad diversas cruces mitteres, provocavit ? quis, ut illa propter quæ Christus crucifixus est, et apostoli omnes pertulerunt, destrueres, provocavit ? quis, ut quod jam semel, bis et tertio ab omnibus rectoribus Ecclesiæ condemnatum B fuerat, vel adorares, commonuit ? Nestorii et Eutychis, ut diximus, jam anathematizata quotiens atque quotiens secta, ut te de ipsa ^b interimeres, quis imperavit ? Ille, ille qui Adam ut contingeret arborem vitæ suasit, qui studio suo mortem adinvenit, circumvenit; qui Judam cum Christum purum hominem fecit et pro homine tradidit, in ignem quem oræparavit Deus diabolo et angelis ejus, misit.

II. Dulcis et dulcis noster Justiniane, rememorare quæ promisisti cum baptizatus es, quid per singula te credere dixisti. Unum Filium manentem in duabus substantiis, cum Patre et Spiritu sancto, non duos Christos testatus es. Cum excessisti, quid fecisti ? quid tibi præparasti ? Discute, et bene te prospice, et vide si non in loco perditionis te obligasti. Adhuc si vis, vivis : si vis, revertendo. Convertimini, inquit, ad me, et convertar ad vos (Zach. 1, 5). Patres a quibus benedictionem exspectare debuisti, in exsilium transmisisti. Tum cum in ultima senectute tua componere et conjungere te ad Redemptorem tuum debuisti, ipse te, non alter, sed tu et te et tuos de-

cepisti. Cum Lactantius, ut dicit, præbyter loca sancta per Gallias propter Domini misericordiam visitaret, ante nos apparuit; quæ legis, deprecavimus, et per Jesum Christum Redemptorem nostrum conjuravimus. Ergo litteris præsentibus Deum nostrum conjuravimus, insuper contestamur, ut et tu revertaris, et quantos perire suasisti in horrenda persecutione, revertere provokes. Quod si non feceris, sit judex ille inter nos et te; sed quanto citius, cui tu honores tulisti, et purum hominem fecisti ? Cum legisti, *Ego et Pater unus sumus (Joan. x, 50)*: sed talis Pater qualis et Filius, quia ita Pater ut Filius; quoniam verum est, quomodo ad circumcisionem veniendo, ad baptismum, ad martyrium, meliorare probatur, qui et creator omnium esse convincitur ?

III. Festina, festina, sed protinus. Nam si te sic ultimus dies invenerit, qualis nunc hodie appares, descendens ad inferiora terræ, et ad partes vulpum eris. Lætetur sancta Ecclesia de regressu tuo, quia vehementer luget de excessu tuo. Gaudere nos in ultimo sæculo facias, quos lugere post lætitiam tuam de perditione tua fecisti. Ne dicas vel in corde tuo, *Feci, feci, Vici, vici*. Victor es et vincitus; sed inde unde filius diaboli et inimicus justitiae. Nam notum tibi sit, quod tota Italia, integra Africa, Hispania, vel Gallia cuncta, nomen tuum, cum de perditione tua plorant, anathematizant. Et si non quæ docuisti destruxeris, et publica voce clamaveris : Erravi, erravi; anathema Nestorius, anathema Eutyches; cum ipsis te ad supplicia sempiterna tradidisti. Salutamus plurimum, conjurantes per Patrem et Filium et Spiritum sanctum; per illum qui in uno trinum apparet, et in tribus unus agnoscitur, ut te de horrenda secta et abominabili persecutione semoveas, et illos qui te suadente in ipsam crediderunt, ad meliorem viam venire studeas.

^a Depravata est hæc periodus; cuius si non ipsissima sunt verba, saltem sensus hic esse potest. In integrō mundo splendebas ut sol; et cum omnes inde gratia Domini rectores Ecclesiæ gauderemus, divulgantur.

^b te fama, ex lapsu vestro quem nunquam prævidere debuimus, contristati et humiliati usque in terra sumus. Coint. I. c., pagg.. 80 et 81.

^b Concil., ipsa, præpositione de omissa.

ANNO DOMINI DLII

AGNELLUS EPISCOPUS RAVENNAS.

NOTITIA (ex Gallandio).

I. Quæ de gestis Agelli præsulis Ravennatis certiora prostant documenta, unus Agnellus abbas Sancti Bartholomæi litteris consignavit in Libro Pontificali anno 839 conscriptio : quod quidem opus ex Estensis bibliothecæ codice ms. anno 1708 Mutinæ prius evulgavit V. C. Benedictus Bacchinius dis-

D sertationibus et observationibus illustratum; ejusque editio deinceps anno 1723 inter Rerum Italicarum scriptores prodit Mediolani emendatior et auctior (a). Tradit itaque Pontificalis auctor (b), Agnellum ex nobili ortum prosapia opibusque abundantem, uxorem primum duxisse ac militiam secutum : sed postuo-

(a) Rer. Ital. script. tom. II, pag. 1.

(b) Agnell. Lib. Pontif. part. II, c. 1, ibid., p. 113.

dum mortua conjugæ ac cingulo militari deposito, totum se Deo mancipasse atque ecclesiasticam vitam excoluisse. Itaque circa annum 527, ætatis sue 44, ab Ecclesiæ antistite Ravennate inter clericos ascriptus et diaconatus ordine insignitus, ecclesiæ postea Beatae Agathæ praefecturam obtinuit. Exinde vero annum agens 70 communi consensu Maximiano episcopo suffectus est die 23 Junii ann. 553. Qui postquam Ecclesiæ Ravennatem rexisset annos 13 mensem 1 et dies 8, e vivis excessit anno 566, calendis Augustis, ætatis 85. De his plura videoas imprimis apud Bacchinum (a) : nec prætermittas velim Hieronymum Rubeum (b) atque Ugbellum (c) ; qui tamen Agnelli ordinationem anno 558 consignans erravit, et in eundem errorem induxit Oudinum (d).

II. Scriptit Agnello Ravennatensis antistes epistolam ad Armenium Arianis oppositam, quæ primum prodidit Basileæ anno 1528, in Joannis Sichardi Antidoto adversus haereses : exinde vero alibi plures excusa. Nos eam descripsimus ex Bibliotheca Patrum Parisiensis (e), quippe cæteris emendationib; ejusque lectionem, si qua dubia, restituere studuimus. Neque hic omitendum, existimamus fragmentum epistolæ Pelagii had eundem Agnelli, quod in lucem emisit Baluzius (f). Est autem hujusmodi ; « *Pelagius Agnello Ravennati. Fraternitat tue injungimus, ut eligas talen virum in presbyterum, qui fixus in re-*

- (a) Ad Agnell. I. c., pag. 88, § 2 et pagg. 94, 115
902.
(b) Rub. Hist. Ravenn. lib. III, p. 169.
(c) Ughell. Ital. sacr., tom. II, p. 357.
(d) Oudin. de Script. eccl., tom. I, p. 1443.
(e) Bibl. PP. Paris., ann. 1654, tom. III, pag.
117.

- C (f) Baluz. Miscell., lib. V, p. 464.
(g) Mans. Supplem, ad Concil., tom. I, p. 451.
(h) Ad Cav. Hist. litt., tom. I, p. 529, not. (f).
(i) Voss. de Hist. Lat. lib. III, cap. 4, p. 757.
(j) Sand. Not. ad Voss. de Hist. Lat., pag. 290.
(k) Giorn. de' Litter. d' Ital., tom. I, p. 81.

AGNELLI AD ARMENIUM EPISTOLA,

DE RATIONE FIDEI.

Fra' er Martinus exigit litteras ad tuam charitatemmittendas, asserens sollicitudinem tuam querere solatium defensionis catholicae fidei, quam quidam varia assertione conturbavit. Sed ipsa conturbatione cum collata fuerit, omnis facillentia projicitur; et hoc quod liquatum fuerit, custoditur. Ante omnia itaque credere oportet Deum, quia est (*Hebr. xi, 6*) ; secundo quid sit Deus. Quare hoc? quia dixit insipiens in corde suo : *Non est Deus* (*Psal. xiii, 1*). Ergo qui insipiens non est, hoc non dicit, sed dicit : *Credo in Deum*. Si dixerit tibi quicunque : Quid est Deus quem credis? respondendum est : *Hic est Deus qui clamat in Deuteronomio : Vide, videte quia ego sum Deus* ^a, *et non est aliud præter me* (*Deut. xxxii, 39*). Item cum Moses interrogaret quem illum diceret, respondit : *Ego sum qui sum*; et dices eis ad quos

D te mitto : *Qui est, misit me* (*Exod. iii, 14*) : id est immutabilis, et semper idem : non heri Deus tantum, hodie vero Deus et Pater; sed semper fuit Deus et Pater, et semper fuit cuius esset Pater. Si enim accessisset ei ut esset Pater, vim passus esset, ut inciperet esse quod non erat. At est blasphemum ita sentire.

Sed dicit aliquis : Non est vim passus, sed sua voluntate genuit Filium; quia si noluisset, non eum genuisset. Ad hæc exigendum est ut dicat : Quando voluit generare Filium, habueritne virtutem generandi, et sapientiam hoc ipsum volendi? Si dixerit : Non habebat, confutat blasphemum : Si dixerit : Habebat, obtinet victoriam : *Filius enim, ut dicit Apostolus, Dei Patris virtus est et sapientia* (*I Cor. i, 24*). Nam qui dicit : Virtutem non habuit, blasphem-

^a Vulg. Deus solus.